

孫徵君日譜錄存

孫徵君日譜錄存卷之六

順治十二年己未七十二歲

永年武汝清

後學

校訂

正月

武陟王 輅

二十日

在孫世琰^世金桂監刻

論立兒 起蟄來傳汝絕無失意之色從此進之一

切策辱毀譽天大事總屬平常至縣學闕庠爲汝

申文薛學士陳按君聞他人言卽遺字當事汝何

以得此高誼於茲公當益自策勵酬答衆人之意

可耳

二十一日

復孫紫淵 兩接手字宛如覲面師相文集得存六
七幸矣幸矣刁非有斯文正統一刻急借師相大
題目大文字數首以爲重乞卽付之南中亦有爲
文者俟彼刻成便好傳本歸里無期全集不知何
時得一快讀手字率第姪閉戶讀書避人避事無
所用其氣而氣自靜見邇來學力舉首加額爲師
相泉下色喜伊耳蟹之甚漸成廢人念衛武耄而
好學不敢不勉

二十四日

送崔映華李甯然歸里 雲老西山共採薇夕陽客

久倦言歸臨歧雙雁驚翔視天北天南無定飛

二十五日

李允繩自成安視予共城過潞主墳相視其地友人云此地必不佳國破家亡凶莫大焉允繩云地卽不佳未必至是余曰此係天運地理又在天運之中輿圖中凡都會陵寢不知幾興幾敗總歸氣數遷流不爲氣數遷流者便是立命造命人

二十九日

允繩手錄其師伯順先生說約三十則每錄一則自謂其師之面目精神宛宛如在忽王景沂自閩來

攜其尊人侍御公請易名疏高陽先生得謚文忠
伯順先生得謚忠節師生戚友相關誼切恍見易
世之人焉九繩曰侍御生洲公之精神亦恍在筆
楮間矣

三十日

郭襄臣索書 余初識襄臣於其岳見予所已而移
居夏峯之山莊則與襄臣比鄰余既交襄臣諸父
公望兄弟則襄臣頻相過且相招質魁杰而氣屬
厚時談孝子悌弟事則津津樂道之此其人可知
已襄臣先輩爲河北巨室家範依然儀型不遠矣

嘗謂風俗澆薄孝弟未興也堯舜仁覆天下只完
其爲孝子悌兄之事中庸論達孝而言明禮之可
以治國孟子論仁義之實總天下之道而歸之事
親從兄則弟之外豈有餘蘊哉入孝出弟孔子
以爲蒙養之始守先待後孟子以爲聖功之終極
卑邇乃真高遠極高遠總不離真卑邇大聖大賢
不能滿其量愚夫愚婦可與造其端襄臣曰愚夫
能爲孝子則愚夫便是聖人余曰王汝止滿街皆
聖人正從此處看出因索書遂以此貽之

初一日

嘗見士子評文評詩者意見不同去取各異遂久訾
無已時余曰各從所好正不必雷同耳陸子靜問
伊川語輒若有傷我謂人曰伊川之言奚爲與孟
子之言不類紫陽以爲明道語渾淪超邁學之無
可依據不如伊川語的確精密能令學者咀嚼以
二子亦各從其所好而已

初二日

呂成公祖謙之言曰日用間蚤起晏寢飢食渴飲終
日爲之而未嘗覺便是工夫養覺有念戾卽消融覺

有凝滯卽開豁病至服藥不必預安排以濟諸數
言從容中道文公稱其身備四氣之和心涵千古
之秘推其有足以尊主而庇民出其餘足以範俗
而垂世蓋推重如此

初三日

蔡季通元定從文公學文公扣其蘊大驚曰此吾老
友不當在弟子列與對榻講質奧義恆至夜分學
禁作編管道州元定方宿留文公所聞之笑謂學
者曰化性起僞烏得無罪不辭家就道文公與從
游十數人餞別蕭寺坐中有太息泣下者而元定

谷疑質是邏如雍如文公喟然曰友朋相愛之情
季通不挫之志兩得之矣

黃直卿幹志堅思苦文公以其子妻之遺書曰他時
直卿可代即講席及病革深衣及所著書授之曰
吾道之託在此矣直卿剛介於師傳存心致知之
學身體之無遺力雖暮齡宿疾未嘗一夕倦也

李敬子燔從文公學喜道有明以爲雖三公九辟不
與易也嘗言素富貴行乎富貴正以堅志熟仁不
令居養移氣體耳又誦古語言分之所止一毫
不上善處者退一步耳又言人不必仕官有

方爲功業但隨力所及盡其心及物卽修業之實
故能仕止窮通皆若素有學者稱爲黃李朱門弟
子如清江張洽南劍州廖德明溫 重味道昭武
李方子補城魯體仁漳州陳淳學皆有據俱能卓
立於世傅伯成表裏洞達徐儒清苦刻厲並負天
下望視程門弟子未多讓也因次列之

初五日

真德秀著論甚富方學禁畛 卽學府語孟亦爲世
大禁西山與魏了翁脫出獨慨然以斯文爲已任
諸書服行天下興起者甚衆陳洛陽聞因大儒之

學顯於世二公之力也

初八日

凡一脈相傳系系不亂而子靜崛起獨力
與紫陽爭席故當時排之者有指之爲僞有指之
爲禪百世後以爲口實其說豈盡當與曰濂洛
關閩傳夫子之道而未盡夫子之道也子
於紫陽而未必不合於夫子其自言曰熟讀孟子
而有得也百世後遂以爲直接孟氏之傳 明可
謂陸氏知己

初九日

歐陽子晚與蘇學士軾言吾老將休付子斯文又曰

吾所謂文必與道俱則其生平著作可知矣其學

獨推韓愈孟子以達於孔子謂愈開佛之功不在

孟子下孟子闢楊墨之功不在禹周孔子一人

習其說而不知其功若以爲僅空言也蘇子有云

孟子既沒申商韓非之學違義而趨利殘民以厚

主其說至陋而士以是罔其上上之人僥倖一切

之功靡然從之世無大人先生如孔孟者提其本

末權其禍福輕重以救其惑故其學遂行秦以是

喪天下淩夷至於勝廣劉項之禍死者十八九天

下蕭然洪水之患未必至此噫信斯言也前無孟
子之闢楊墨後無韓子之闢佛則孔子之道不著
三綱五常民彝泯亂其禍豈止如由韓而已耶故
曰以學徒殺天下後世此何可不慎

初十日

古人有與人同退不與人同進者有與人同患難不
與人同安樂者非矯也君子自處之道應如是或
曰彼亦君子也必欲與我同進必欲與我同安樂
則何如曰亦不必矯惟義所在

十一日

論古人只宜論其長處若苛求其短即聖賢亦不能
無過但其過不足爲聖賢病耳

十二日

才人每犯輕薄之病才愈高則輕薄愈甚蘇長公非
千古人豪也哉正叔以大儒入侍君子道長之時
性矜莊言動必以禮亦儒者本色長公好詆譭煥
易之類諄諄其不近人情氣味不合自不相下此必
然之情也程門人遂劾其館職策問爲謗訕則過
矣蘇復縱言正叔之短至詆爲姦邪則過之過矣
才人不善居才最怕相激不獨一蜀洛爲然或曰

犯而不較曾子獨以許顏子後世學者周茂叔程
純公之外恐未易多許也

十三日

爲友人題素履軒聯 清澹一途說意嚮平常兩字

驗工夫

十四日

吾郡有孝廉張九萬名榜者奇窮飢餓不能出門戶
同年有周之者口盡人以爲有心疾竟以凍餒死

十五日

花朝日同李景尼賈合章博兒韻兒攜尊飲孟莊口

菴之竹亭訪滇南盧頌蓼盧有懷主人郭襄臣
觴客有紀春遲無一事攜客偶來遊花殘
鳥聲韻境閒人意幽乾坤不異俗南北好同舟欲
去仍還止浮雲天際流

十六日

李景尼視予夏峯述其母之生平門人各懷飲泣曰
予小子寡昧無以報母艱苦敢煩長者一言庶足
令沒者存而子孫世世借榮施也余曰前已爲序
代成有終卷不可以再景尼因爲請立傳之人予
曰君欲不朽其親須求其人足不朽者而其言方

是以存雖然此猶第二義古來稱范母陶 因有
其子榜與侃使滂與侃也而不足存則其母之朽
也久矣君之母貞而能孝無慙古兩母君之身孝
矣而復爲循吏其所以報母夫人者正在此使其
母爲貴人母報猶淺使其母爲賢人母報更深矣
蒞滄蒞滄美政已留去思今閉居攝靜所殫力於
身心性命之際者復何限刻刻皆母夫人臨之於
上也願益勉之

十七日

一紳持準提晨起默誦阿彌陀佛百八遍方出應酬

予詢其意曰薄滋味以清五福非敢侈言利益也
又問持念佛珠誦百八遍者何也曰聊以收放心
耳予曰心於何放放於聲色貨利猶放於鼻側
成佛更深孟子之所謂求放心者明指仁義而阿
彌陀佛正以陰蝕仁義而不自知乃用以求放心
耶曰請得四字爲攝心之法作日用功課予曰我
輩飲天和食地德借祖蔭而託父庇凡有血氣其
孰能外時時刻刻不忘天地祖父亦庶乎一念仁
孝之思也

十八日

書孟二青扇。二青讀放扇詩而有惜也。予曰：放扇詩多學人語，而無學人之處。因拈家貧視力量夜夢驗工夫，暨改過先幽隱收功在細微，此等句皆學人真實體道之言，不可以詩人論也。詩與學其旨趣原非有二。二青詩人也，因詩以學，願進一解。

十九日

余嘗謂對妻子非易，對夢寐尤難。人邪之信也，不知對妻子夢寐而無愧者，便是徵席民建天地質鬼神實際處，談何容易。

二十日

予嘗作渡江賦辨不意後渠崔子已先得我心之同
然

二十一日

或問邵子溺於數如何亦列聖學曰數也而不悖於
理則數與理豈岐而爲二雖驟入殊路適道則均
鄧元錫謂數溺則惑通則神自有生民來建天地
之極極其用箕子也夫堯夫也夫

二十三日

怪誕之事偶一有之然不可爲訓也文人才士結想
元幻厭聞庸常邇有傳某爲城隍之神某爲西岳

之神者予問何據曰某有某人夢某有某人見予
曰夢者固夢恐見者亦是夢青天白日之下乃作
此夢語耶子所不語世人好語此是索隱一流墜
人慎之

二十五日

一紳偶及某得旨好生可惡某得旨具見急公然此
未可以喜怒論人也諫官以逆鱗爲職好生可惡
雖犯顏也而衆望攸歸具見急公未必不拂民以
逢君耳予曰知此說者可以持毀譽矣

二十六日

保定金瑞芝張元徵諸君子 胡蒼恒公祖施實
德於吾郡吾郡尸而祝之所以明報也然自有應
操筆之大老以鄭重其事豈宜間記於外縣之腐
士且流寓在千里之外何能取信於人無論僕之
不文於事體實有不可唯諸君子裁之

二十七日

王夢航大史攜尊見訪 十里城南一草堂夏峯逋
客旅相忘一身多病耽高枕四海無家只短牆
背酒壺非泛濫龍吟詩句豈尋常更欣聯袂尋幽
趣呼取鄰翁醉海棠

二十八日

事君者每求多於君歎不逢主交友者每求多於友歎不得朋愚謂君臣有一日之魚水朋友亦有暫時之嚶鳴引而伸之觸類而通之積誠感動中主可勉爲賢君中士可進爲益友此事君交友者之責不可不自盡也

二十九日

清明感懷 世人修祀事展墓在清明封土與點漿
童稚隨父兄子與記燔間今古同一情田廬經籍
後征稅不私塋

國墓松楸每歲納米
十畝鮮禁不採伐

時祭鮮及墓

有厭密及祈生理何顏面胡爲杜子賡初擬蹈東
海島上無田橫再欲訪文山崖山久已傾心餓蘇
山岑孫邵結爲盟念吾始祖氏與州徙容城與州
今何地容城近盛京前事若觀火後事宜永貞所
嗟回車難去土亦豈輕迴環一念問中夜坐還驚
祖考儼在茲寤寐啓前征

三月

初一日

憶張子度 草昧初開數尺田移來花木色依然城
西處士遙相憶多病愁深耽晝眠 天啟元年一

言
貢生燕南烈士舊知名蘇山忍餓無人識拈句猶
能金石聲

初二日

耗中海棠移燈取影
覺多致偶爲句令諸子和之
賞花何必向名園意在花前花有源花貯瓶中
知幹短影移壁上見枝繁乾坤原是歸虛幻動靜
由來自變蕃漫道無香人恨惜一番相對一忘言

初三日

池菴源主李穆如韞玉齋
今夕是何夕古人修禊
時算來不速客好賦得朋詩
修禊前三日曾聞

一玩名何期今夕會應自有山聲

四日

蘇寰中給諫招飲 蘋藻薦古人寤寐遯村裏欲寡

愧未能今乃見君子 飛豈因倦還雲出無心岫

山水自作聲對君聊永晝

初五日

李碧虛招飲 百二堂約今尋雞黍來知君不避

竹故我欲收苔道大形逾恕 飲自開不嫌疎

放甚重倒舊樽醅

初六日

爲友人題自慊齋聯 作事能令祖父知何難對天
對地有懷不愧兒孫見便無愧影愧衾

十一日

寄葬許氏張氏兩兒婦 望兒婦許公與茂才雪

衡君顯達次女也性溫厚知大義手繼姑從年

色姑重稱之謂其勞怨不辭處思母兄弟如

雍和也婦二十下內外無間言可稱賢矣哉子

二女一寄葬夏峯村存也 作墳誌 兒

張氏新安廣文還醇毛鴻儒次女也

學宮口氏十餘歲即患瘰癧爲婦十一日在

姑愛其誠而憐其苦然疾久無達禮無失言非明
於大體者不能慰友一與許婦同日寄葬同處
去許婦塚咫尺知生可知死矣

十三日

謝景沂曰吾身所本無者些微添不得吾身所本有
者些微減不得此身初未嘗有瘡聚粟許塊腫
痛十餘日寢處靡甯此身初未嘗耳聾一失
口割捨漸成廢人然此乃有形之添減耳無
知覺至無形之情識意見忘想填胸滿臆恬公安
之不爲怪無形之皓亡戕伐夜氣雖存良心盡失

誰肯過而問之故景沂歸問請人此言質之君家
大人可知乎病況

十四日

東坡譏伊川云何時打破教字故邇來學人每欲打
破理字總是苦字理字爲束縛爲單板不打破
不得脫洒自在豈知脫洒生於天理之常存天理
之常存生於敬畏之無間離此則成無忌憚矣

十六日

送王景沂歸延平

有序

生洲父子久寓延平每歎天

末念有宋龜山仲素延平元晦四大儒以此地爲

簡因緣有在今景沂攜其弟不公歸後其父爲賦
此句 閩海蘇山共一天斯文未喪日星經程門
有道能攜去寄跡何庸歎地偏 真儒探源系祖
傳數載棲遯似有緣橋梓北南今復合去時何日
作歸船

十七日

客問馬遷作史記不爲女婦立傳劉向則傳古烈女
母儀賢明類凡七匪直以垂內則且言必自
此始班固作漢書乃復畧之豈終謂內行不關
門故置之與宜何遷也余曰節無論士女均不可

言
一日去身者也以今觀之居婦矢志無雙猶女
每有士行而素好讀書深明義理者倉卒決擇反
讓婦人女子一簪笄而冠者不足傳冠而笄者因
足傳耶家國治亂關係女德不淺必曰內行不修
闔閭書何以稱焉

十八日

問孝友爲政余曰最緊切之言卻是人所忽忽孟子
親長而天下平正謂此試看孝友人家一室之
草木欣榮不孝不友之家恣睢乖戾民賊傷財
孰大於是古昔盛衰之在朝廷以孝友爲

爲家人行多在野世衰道喪士不修行孝弟無聞
而見稱於宗族鄉黨者亦罕矣安望平治哉張仲
孝友周宣之所以中興也

十九日

高薦馨自上谷過視夏峯云已致巾服於學使者其
呈詞有堯天之六無鄰禹甸之寬卜處余曰正待
子同釣於百泉之上亦快事也

二十日

古來賢知節義之士泊具一殺確不可移易之見
方能成就得一德一行所滿各是一聖人之一體者

也然以語克已則雖未聞一稱之語于之稱舜皆
曰舍已論語記夫子亦曰毋我其克已又進一簣
聖學舍克已則無從入之路原原之克已伐怨
欲祇見其爲難耳意見冒貴者到處用不著適足
爲學病

二十一

寄劉厥汝 吳燕右腐儒衰遲漂泊自壯年以來

於山水涓若若而年自謂喘口餘年不事筆

尚欲策勵耄耄圖報稱寄着於萬一年來求及於
四方而真實斯道者寥寥焉南遊得良友爲快

奏兒歸持手教殊慰數年仰企令兄先生以忠魂
領祠一代先生復以鑄鐸振教東南真所謂原朔
天外鶴鳴雪中當剝脉良貞獨存碩果繼進實甚
暨讀序箋宗傳備釋防維佩教良多此書原甲印
寓水鄉時成之未及訂正適復有七子一編其中
有欲翫益者雖遙不能就正念臺先生所選未得
一卒竊想自有定見若水磨瘳有年此心此理應
不以南北海隔耳深山大壑相望徒歎陸子隘有
翹緒

二十五日

復王生洲 弟與親翁相隔四千里相別十餘年人
生幾何堪此幾別日夕冀聚首蘇門結鄰不備爲
終老之計不謂八郎君言旋復欲之闕歸依老親
此猶慕至愛堅不可移但恐去既匪易安望即賦
歸來景沂兄能懷蘇山蘇水當與老親翁有長算
也第衰病日甚耳自去年鑿心跡則忘其歲月古
人毫而好學翁有其心而無其力可奈何八郎固
數相從愧乏身範今南英龜山先生遺教固在况
有若翁爲國師固不至墮落耳

二十六日

帝張上若 文母太夫人之喪聞者親翁與六親
哀毀過甚鷄骨如柴令人起敬然竊聞之禮有制
慮其滅性與不及者言望其企而及老親翁仁孝
性生則不能不望其備而裁也太翁先生篤念好
合哀戚之過執杖見父金昆定慮及此矣

二十八日

書淫孫扇 從古談家門之盛莫如荀山陵陳太師
至長文載著車中文若坐著膝前千載下膺炙人
口以予觀之文若有悔德矣長文尚可言哉意者
陶士行之有靖節光乃前世迴乎尚矣淫孫索書

漫識於

四月

初一日

聞過則護聞謗則怒不獨愚不肖爲然此病中於賢
知更甚人告之以有過則喜仲由之所以升堂也
公孫碩膚亦寫几几周公之遇謗何其安閒而不
迫乎二人者吾師也

初二日

語諸子弟 古人讀書取科第猶第二事全爲明道
理做好人而道理不明好人終做不成者慎

之習氣未除故也灑掃應對先儒謂所以折其傲
與情之念知言哉傲情除而心自虛理自明客色
詞氣之間自無乖戾舛錯事父從兄交友各有攸
當豈不成箇好人日用循習始終靡間心志自是
開豁文采自是煥發沃根深而枝葉自茂爾等今
日辨一虛心實實務除其傲與情之念下學在是
上達在是先後本末一以貫之不知者祇見其爲
洒掃應對而已矣

初四日

伯夷伊尹柳下惠得百里之地而君之皆能朝諸侯

有天下禹稷顏子易地則皆然此皆未然事非孔
孟道眼爲能進退隱顯各得其當則伯夷顏子只
作一介節士耳

初五日

問龜山謂五行在天地間有則俱有必如洪範配諸
人之一身皆有先後之序有水然後有火有火然
後有木有木然後有金有金然後有土雖常入皆
知其不然然箕子何爲確乎其言之也曰箕子傳
道之聖人使其言悠謬而無當孔子刪書必有說
似不必苛論

人之生也直不揉其直而生不罔矣子曰斯民也三代之直道而行也孔門師弟如柴愚參魯師徒曰哆不仁哉宰予小人哉樊須皆無所回護至憫見不悅學稼學圃禮崩樂壞之類凡有所賢亦無隱情總是直道流行節知臆情狙詐相高者孔門罪人也

初六日

問顏子克己欲正心耶龜山曰然從何看出曰心有所忿懣恐懼好樂憂患一毫少差卽不得其正顏子盡屏視聽言動之非禮則好樂憂患等項自不

至於有所視聽言動之非禮已也好樂憂患之有所亦已也克則俱克心正身修豈兩項事

初七日

功業自誠意做出三代而下諸葛孔明其庶幾乎唐之狄梁公李鄴侯宋之司馬君實俱堪敬重

于度爲吳聘君不受官爲勅書太重似嫌少在果如
何曰此非知聘君也聘君因咸甯而來來而受官
未免失身君重之相重之廳然而去視一宮論若
敝履然此豈漫無定見者乎議之者苛責毛舉無

庸深辨

初八日

題薦馨淵穎詩 薦馨曠遠人也 有酒致喜談詩余
無酒腸而愛觀其飲余不知詩而樂聞其談蓋酒
取其忘機詩取其和厚余借以爲衰遲之助迄遲
吳越數年歸復依予蘇門出所梓淵穎詩相質余
謂詩言性情者道詩可以興 曰小補暴厲之氣
譏誚之言皆性情之戾耳狼跋之詩曰公孫瓚肩
赤烏几几周公之遇謗何其安閒而不迫也一部
詩皆主厚字陶杜其戾乎近之道學詩無足稱有
伯清和溫公諸人襍飲詩未須愁日暮天際乍輕

陰又泛舟詩只恐風花一片飛其溫厚之意於隨
處流出言之者無罪聞之者有感乃爲有補於人
心有補於世道是所謂得真性情耳余嘗拈此言
爲同人佐酒故以之題高子詩

初九日

問孟子七篇稱引詩書罕及於易先儒謂如孟子者
方是能曉易從何看出曰君子而時中乃所曉易
也六十四卦三百八十四爻總之時中二字孟子
曰孔子聖之時者也乃所願則學孔子也故其言
曰必有事焉而勿正心勿忘勿助長君子深造之

以道欲其自得之蓋言易之在我也人人有易人
人自得豈向外求君子亦仁而已矣何必同惟
所在大人弗爲君子不諒惡乎執正是學孔子之
時中庸深處多在孟子故謂孟子方能曉易

十二日

弔王仁臺明府有序王明府廉而慈良善愛之頗愚

不畏也不善催科一夕苦供應作絕命辭一縊死
之日裹頭求五尺之布不可得母妻稚子
能憶明府在顧山中喜聞善言突遭此慘以弔
之忽聞君慘縊童叟俱傷神世事一如夢天心

亦不仁遺言非逐幻含笑竟歸真雖是憐輕死猶
疑見古人

十三日

題耐齋 余居恒嘗語同人曰學不到家事不足色
或半途而廢或九仞而棄終成一欲遠見不苟且
自全之士皆起於不能耐不能耐則心有憾而
功有作輟此昧於立身立世之道也吾友國華胸
次坦夷神情曠遠嘗爲余設榻余每過之瞻懷不
忍言去以耐名齋正於我心有獨契焉天之道曰
不已誠之道曰無息稍凌躐焉則紊且亂參在聖

門賦質最魯一不耐烏能承一貫之傳國華之意
深乎阻雨信宿有佩此語爲耐齋記

十四日

偕高子薦馨過百泉之素園望兒博兒亦與焉素園
主人閱尊竟夕晚宿烟霞館素園臨水國華孝廉
別墅烟霞館宋隱君爲吾儕作公會處也泉上園
林固多此兩處頗饒意致

父子師弟居蘇門者康節有子伯溫姚文獻子煒姪
燧許平仲子時可稽最從公和遊三年康節問易
於李之才遂結廬百泉之上姚文公燾

十二從叔公茂遊魯齋之門趙仁甫復以公茂攜
之蘇門魯齋聞之來從於太極書院白棟號素庵
太原人從遊魯齋父子俱葬於此王惲號秋澗汲
人從王磐學於蘇門

十五日

清輝閣望兒鼓琴清風徐來不彈而音韻鏗然響徹
四座高子曰山水有清音正謂此耳李彝卿云此
琴曠也

諸子各舉清輝閣額字相質高子因請予爲四字予
曰會心不遠李子云泛論山水與吾便無干涉無

雪三三兩兩在勿忘勿助之間會心處正不在遠

十六日

其城佳勝雖在百泉然百泉未盡其城之佳勝也西
望翠色森秀山勢雄麗自白雲寺至西頂人能道
之而人所不能道者其佳勝尚多也誌俱未以此
山之混沌猶未闢乎余筋力雖衰尚欲偕一二健
足友朋得山水之趣者令渠述作與同遊也西山
一帶史稱兩河忠義之士終元運未入版籍徵文
考獻未有確據此乃山川人物大關係處考其地
考其事急俟之同志者焉

題煙霞館

有身須宇宙無事卽煙霞予極賞此語

蓋身遍天地古今爲一體離宇宙何以安頓此身
堯舜之達而在上孔孟之窮而在下局有隱見然
分無加損總皆所謂勞心者耳若荷簣丈人之流
則不然治亂自在世於己身無與焉果哉末之難
已至用行舍藏非役情於宇宙而曰有身須宇宙
非癖志於煙霞而曰無事卽煙霞則隱見有道卷
舒合規非聖賢而豪傑者鮮能與於斯予庚寅避
地來蘇門隱君已先結廬於百泉之上予嘗以煙
霞逸客四字額其廬隱君卽以此館爲同人遊憩

之所予因爲社約數則蓋爲此地不可無此館而
此館不可無此人蘇門一區從來多寓客許平仲
自河南來姚公茂自柳城來竇子聲自肥鄉來班
荆而友相視莫逆堯夫暨子伯溫公茂暨子誠齋
姪牧庵許平仲暨子時可則父子與偕至稽康之
從公和姚牧庵白素庵王秋澗之從平仲迄今父
子作述師友嚶鳴猶爲蘇山蘇水留爽氣也人固
藉山水爲緣山水猶藉人爲重豈寺間哉隱君少
壯行踪非耽邱壑老而休息於此其譔趣誠有大
過人者矣

凡譚學者語言文字自不容少還須返而問身身之
出處死生則其大焉者矣高景逸劉念臺鹿伯順
到頭於出處死生之際毫無所苟此是理學真種
子

人之所以爲人以有此本心也失其本心便失其爲
人故聖賢有憂之然本心卻自難認誤以後來添
入之心爲元來最初之心本之則亡矣夫添入之
心入心也最初之心道心也道心微而難明楊敬
仲每問如何是本心恍忽若有見焉又不能即見
焉一遇斷扇之指示遂恍然見之疑闕盡釋洒然

自得日用方有天則飲食纔能知味象山每教人
求放心正是教人認本心本心認得出便是先立
其大敬仲見及此尖而無聲無臭之見雖入元微
反滋雪霧能深入者須能砥柱纔是善學

初從伯順讀傳習錄陽明集微覺胸中有心因多搆
儒書共爲印證其說之透胸達背聊無窒碍無過
此錄者

十八日

鄭南郭公望令僕馬相迎族子士進叔子望雅從

十九日

樹設多景樓漢陰縣汪若干孝廉毓珍其館賓也相
見甚懽有句贈之 東髮論交老未休今逢佳士
喜相求此山自有劉元德應臥君家百尺樓

多景樓几上置一編曰俊傑傳自留侯至誠意得八
人焉乃公望手自點定彙爲一帙因爲句 多景
樓頭論俊傑留侯而下八人列古人面目今人情
刪述憑君手自搗

二十日

劉一六過視

題多景樓聯 古今影樣憑搖首身世行藏入倚樓

俊傑傳序 予過公望之多景樓樓頭一几一編曰

俊傑傳專凡八人漢之子房孔明唐則懷英子儀

宋程圭希文與元晉卿明誠志隱此八人者其于

古之俊傑也哉八人而非俊傑誰當稱俊傑者本

之言曰識時務者是爲俊傑一時有一時之務

一人有一人之時不甘以凡民自固便是以俊傑

自期爲之卽是其誰限之公望靜息多景樓日與

此八人對也其識趣過人遠矣憶茅止生寄居鹿

伯順江村謂予兩人曰劉元德一庶宗耳四海無

家徒以一言無地樓臺欲臥元龍於百尺樓上

千載下遂以百尺樓專屬元德他人不得過而問焉今我三人固各有百尺樓也不知誰當據其上者伯順問止生止生曰吾欲臥郭子儀李光弼耳伯順曰吾已延了靜王伯安矣予曰陳太邱郭林宗是吾客也今公望臥此八人於多景樓其好客過吾儕遠甚多景樓當與百尺樓並峙千古矣公望爲蘇門先生嗣召高才守先蔭李德裕一流人甲中後銷前代蔭公望一節恬養絕意仕進非所稱識時務者耶其手筆凡八人也亦所謂奪他酒杯澆我磊塊公望定以三篇爲記

二十二日

高薦馨同博兒至

公望集諸客泛舟 載酒樂朋儔乘舟無盡頭歸來
忘日暮天地一孤舟

過斐如齋憶主人 園林一曲帶河流花竹陰森爽

似秋遙憶主人天際遠西湖應識此清幽

過牧野 臨河北岸一孤村破壁寒煙日氣昏云是
當年牧野地元黃從古闕乾坤

訪默疑八年閉關僧也 此心擾攘爲誰忙起滅無
端根據長閑閑八年作甚想默疑應自有商量

題多景樓

時若千一六薦馨各爲和之

手澤欽先德

景從多處見致向意中求交合四千里人期第一

流會

不在遠壓倒大家樓

米南宮有多景樓集

二十三日

大道不翕聚則不能發散聖人法天故必戒懼於不
覩不聞之地纖毫屑越便非性命流行至誠覆物
載物成物配天配地配無疆總曰闢然曰不爲蓋
容不得一毫屑越屑越卽的然也

客問公言曰於日用飲食接人應物處總見一厚字
古稱六行廢幾近之規模寬遠多讀書能評臨百

今人物問若干曰與之語通敏無滯言下便會
識取能窺其大嘗自信知及之矣看仁守之功如
何問一六曰所見的是便欲行其所見確乎有執
不受搖奪二君各據所長互剋之佩韋佩弦更見
友道相成之益

二十四日

劉一六邀過其鄉司馬村有新築索額題曰靜遠

集靜遠齋二絕

有序

孟夏訪一六劉子於靜遠齋同

汪若干郭公望高薦馨從子士進望兒博兒亦與
焉一六出其翁潭月子靜猶子仲馨卜夜相款予

言 二
倦卧高子飲酣題詩因拈句紀勝登堂此日別
諸昆小阮英英羨德門攜得良朋兼佳子多君小
夜酒盃檣興酣索筆尙題詩善謔清談互見之
殘夢忽驚人秉燭猶宵午夜未云遲

二十五日

汪若干謂聖人不可律以死節之事其道前知其幾
先見如危邦也必不入亂邦也必不居明哲保身
正聖人所優爲予曰殺身成仁舍生取義曰聖人
之言然非聖人之所貴也

靜遠齋記

乙未孟夏既望余與同人暨子極盡集

公望多景樓臨古餘鳴琴賦詩復以舟爲竟日遊
既命車過一六廬少長與偕雍雍於野樵壠牧間
時若干謂曰口今而知處事接物之道矣昔明
道先人終日端坐如泥塑及至接人渾是一團和
氣自古大儒皆然譬之日月不擇物而照故能徧
物苟留一毫渣滓於胸內便非太和元氣流行卽
殞之舍已顏子克已不過去得渣滓淨盡余然之
舉以告一六一六曰舍已克已皆從虛中得來天
惟虛故能包地於其中萬物皆資以爲質山惟虛
故能通澤於其上萬物皆資以爲氣心惟虛故能

受人於其內萬物皆資以爲用此咸卦大象曰山
上有澤咸君子以虛受人與象辭天地萬物之情
皆是一虛相感二君之言皆窺其大一六又曰古
人言行不過當日君臣父子間問答數語做出幾
件正事後世傳爲謨訓以古人言行皆從德中出
來不可草草放過故易曰君子多識前言往行以
畜其德此足以覩一六矣一六功深氣靜有遠志
余習之久因訪於其家一六曰小築新成借二字
爲額余題曰靜遠若干云武侯一生事業正從此
做出理會此二字便一生用之不盡君子於言不

可苟也類如此錄其語作記

二十六日

一六謂講性命雖未必真強似講情欲講道德雖未必行強似講俗事余曰既講性命豈容不真既講道德豈容不行不真不行何賢於講一六曰對無知之人言姑借此以引之耳

奢儉豐約數有循環勢相倚伏達人斟酌損益當於未窮之際先有通變之旨使不至於束手如不審於履盈持滿一味席舊習非陰陽消息之道也

與公

望

二十七日

聲色貨利人人隱微不遯不殖是大聖人事學人不
可以此借口不見可欲使心不亂宜峻其防而杜
其端以凡借口過而不留恐無此磨不磷涅不淄

大手段

與若干語

二十八日

郭氏家譜序 余憶王子與二三同人讀書京師每

搆一藝東君潛令記室錄去迭所知參閱已而知
有蘇門先生評因往謁之側聞緒論不意四十年
後浮家共域乃得交其嗣君公望稱莫逆焉乙未

夏留多景樓，日讀先生萊竹園。斯文悉偉略，觸目手澤凡貽厥。孫謀者慮固深遠，故其子若孫彬郁英秀覺。四十年前覲面未罄，旨猶可追溯。德音懿範於四十年之後，復悉孟詵先生清貞亭節爲當世名賢仁者有後，豈待問耶？皇慮先聖世系或湮于孫枝繁有條，且欲彙從前遺文教澤而歸於一，以奇如在之思，急思修兩家譜與余商定其規模次第，此可以知公垂矣。譜之義事關仁孝白道喪教，斯義不昭而興孝與弟所以難耳。是舉也，蘇門先生舊有家乘一編，公望繼述其意。

而增益其未備以表率一方人有同然之心相觀而善公望實啓之君子曰公望知所重矣

三十九日

汪氏家譜序 乙未夏余與汪子若干集公望之多景樓聚首十日或同舟或同車上下其議論才敏性通語無疑滯真所謂學道人也若干亦自謂知及之矣看仁守之功如何其虛懷受善迴異時流一夕與公望談及修譜一事刻欲舉行余曰仁人孝子之所務也若干因言糸出江右自六始居漢陰未有顯官焜耀當世余曰窮達異戶

微同源學人正於此處捉定耳蘇門先生有言據
所傳聞不敢一語失真以上誣先人下誣後裔正
如寫真家務求肖貌一毫不似便是他人雖美容
觀能不內作斯言也余嘗舉以告人甚不可務爲
粉飾以罔其祖父於地下不意其言之符也若干
他日學成定當名聞於世三千里外獲此良友故
具序譜也唯欲以一家之仁孝興一鄉興一國與
天下此固若干意中事譜之立也豈曰小補之哉

五月

初一日

中庸傳道之書曰仲尸祖述堯舜憲章文武上律天
時下襲水土如天地之無不持載無不覆幬如四
時日月之錯行代明其尊推孔子以至矣盡矣然
其道則本諸身而所以本諸身者總不日用
喜怒哀樂之中節故鄉黨一篇直記其飲食衣服
容貌辭氣之事繪出一箇活孔子不生不滅於天
地之間骨髓皮肉無不具備鄉黨從卑邇處言中
庸從高遠處言所謂卽卑邇卽高遠也

午刻歸夏峯

初二日

知行合一。是聖者事。知及之。仁不能守。便分兩段。須用擇善固執功夫。所謂盡人以合天。是思慮居事。庸曲能有誠。孟子深造自得。孔子能

皆是由知求行。驟希頓悟。不事學修。試一返省。便不敢冒認知之。非艱行之。惟艱言哉。

學問思辨莫認是知學而能問而知思而

則行矣。究竟知行一非一事。但不可躐等。

初四日

跋耶律晉卿傳後 嘗聞元有三儒許平仲耶律晉

卿劉靜修余靜修里人也知有靜修而已繼而
平仲集暨薛文清崔後渠之推尊平仲始知平
矣今來百泉遊息公梅溪舊居之墟再取其傳而
讀之益驚歎吾卿之爲古大臣也好生一念渝洽
於人元季而生此人斯世斯民之慶也梅溪之蹟
已湮梅溪之人不朽爲書其傳後俾論世君子考
衷焉

初五日

迹聞二則 陳光啟字顯吾陝西漢陰人明恩貢判
河南光州居官清正士大夫服之不樂久官上官

屢薦竟辭歸究心理學諸儒語錄

七十餘勤修不輟門人從遊數年

其

之直接引後學孳孳不倦鄉人多化之

張

字豎之陝西石泉人博學能文鼎革後不復治

子業有司知其賢而貧預給三年廩餼辭不受

棄弟子員環堵蕭然彈琴賦詩晏如也性喜

賢士大夫多與之友焉 野史氏曰孟子論鄉

自好之士夫士不能有爲於天下則鄉黨已耳

好已耳然身之所範事之所關則不止於鄉黨

兩君者名教所屬羽儀吾黨可稱三千里佳士

得之汪孝廉毓珍西望紫氣因以覘秦中之有人
並以俟後之尙論者應悲其遇云

初六日

只步當下無欠缺無愧怍便是深造自得之學
酒飲微醺花看半開此中正可想見不競之趣

凡事一于便該思量如何收煞有初鮮終德之棄也
初九日

凡語言不從默中簡默行事不經靜裏參詳皆屬苟
且已心不快人安付帖服

初十日

予連日公文清靜坐觀心閒中一樂八字作功課客
曰心何用觀曰爲其不在也客曰不在而何以觀
曰一觀之而即在矣時時觀則時時在到得不待
觀而無不在則無不樂非誠意君子未易語此

客曰道大乾坤小人閒日月忙此語不幾於誕乎曰
非誕也君自不理會道生天生地生人原無與道
並大者故曰乾坤小聞道之人靜正深閑齊得喪
一死生故覺人閒而日月常忙此語乃真

當參悟

十三日

重葺關帝廟引言 關天子漢末人生卒月日史皆

可考非杳茫無據如世之說鬼說神者也考其生平信義足色亘古如斯能起愚夫愚婦之頑懦復能攝正人君子之隱微聖而不可知之謂神其斯之謂與嘗有言日在天之上心在人之中此是至誠無夾雜處萬古此天萬古此心萬古一關主

也夏峯東隅有廟在焉將圯風雨剝蝕無以

靈春秋禴祀何以緩衆志居於斯者咸欲修

僕之欽企天子不後於衆人爲數語於簡端或輸糧或助工心有同然方當各盡諸君子共興趙事

赴功之念僕將樂觀其成

十五日

客問師友之義曰賢一人以覺舉世之迷元非使之
作自子漢也伊尹之言曰予天民之先覺者也予
將以斯道覺斯民也此箇責任稱職者最少若友
直友諒友多聞孔子嘗言之矣蓋一身之成敗得
失舉而付之於友故不得不嚴其人然直諫不令
人親多聞易形人短其人固未數數見之而我
不能忘與之合其咎又不在人而在于我矣

十九日

送汪若干歸秦 若干秦人也余邂逅新鄉郭公望

家相聚旬餘日將歸復過夏峯言別惓惓於世之
汨沒日深承當之力每有言矍然起躍若有當於
中也嗟余耄矣自顧所學如鏡中花執之而未有
也如水中月捉之而未能也何以益吾若干因友
誼久廢而虛懷受言未易得於是乎有言即告之
若干謂流俗有權執德未固余曰知流俗之有權已
默有所以抵擯之矣慮執德之未固已陰有所以
操攝之矣倏明而倏迷者曲學之無志者也一悟
不復迷者傑士之獨與者也閨中人物不必遠稽

空同對山之風節少墟之學術表表著聞跨壓當代以君之虛懷善下門企前修自不待言余且將望其進而友天下士友千古士豈復有汨沒於流俗而頽廢於半途者乎歸而求之有餘師子與氏固言之矣

宇宙內事皆分內事學者要拓開心胸極力擔當不然仁以爲己任無端挑此大擔豈不多事

若干云先生拈洒掃應對爲折其傲與情之念某竊自勘傲似可空而情則難除余曰傲與情亦相因吾見其進才自其止纔是不情問不能問寡若無

若虛纔是不傲傲自會情情亦成傲童而習之自
首無到家之口簡此心無時無處非提醒修證之
地

孔子云毋友不如己者此千古交道之宗也然曰毋
友但不友之非絕之耳可者與而不可拒未免多
一拒字便不似尊賢而容衆嘉善而矜不能來得
渾成容字矜字中有多少意味在

二十一日

跋郝涿川先生手書後 晨起博兒於篋中簡得郝
涿川手書一幅乃遺其同里樾麓楊君者也樾麓

與夢鶴皆涿郡人篇中雅相敬重其麗澤之益近
今未有至其相期向學不肯以老自諉尤令人深
省其言曰學則憂忘於樂不學則憂就於衰學非
俗學也俗學蔽其天光正學滋息真氣此真知學
之味者耶衛武公耄而嗜益篤想昔得力於此不
知此味者便以學爲自苦之事北方學人最少靜
修而後吾黨開山非公其誰儂曾於十年前爲公
立傳今得此幅企慕不忍釋若其高不仕之節隱
於川上怡然自得白沙一流人也白沙亦公友有
遺公手書紙僅存數句尙可想見當年交朋郵簡

往復之意

二十二日

跋白沙先生與涿川手書後 先生集滿天下有目
者共覩然其手蹟則不可得而見矣其人非字即
工不存也其人是字即不工不可不存也如先生
者豈容無片言隻字於几案間哉先生靜中微悟
嘗有句云飽歷冰霜十九冬肝腸鏤樣對諸攻涿
川生平所學亦耽元默故其交合惜遺其書僅存
殘幅予珍之二十年矣家貧乏寶玩此數字者願
頌明珠也

跋朱勉齋手書後 予甲戌公車鄧人士爭相謂曰
此中無史追林金伯玉便不成京師矣時伯玉讀
禮家居因予論交焉隨有人稱朱樂三者津津不
置後交其師鄧孝徵復述其懿行歷歷予私識之
曰都下三君子今果皆有以自見望隆一時聲光
後世偶閱樂三手書附此語於幅末以志企仰後
之君子定有爲三君子合傳者

跋伯順手蹟後 公平昔寫字多用敗筆殘紙予問
之曰字不成家留佳紙筆以俟能者予曰伯順字
再醜幾分當有人寶而玩之公歿未幾吾鄉後進

珍重公手蹟。謂以人子之生平遺予手字甚多。偶簡數幅。裝成卷以便出入攜帶。藏之不秘。竟爲愛者老士。其人精氣不磨。鬼神定爲阿護。終當復出。在此耳。

二十四日

答汪若干 此

與天地同廓。故孔顏得之而樂。

孟子得之而

行。不加窮居。不損舜禹得之而有。

天下不與只

此心被私欲隔斷。故於天地間一

切富貴貧賤

皆生死毀譽俱不能措手。終日紛

擾。祇成俗

習。心體了不干涉我輩。今日且莫

言上一層下一層只就口用事，求不違此心。此心原是靈通廣大，私欲攔而真體見。一日之克復天下，所以歸仁也。故無精粗上下之可言。釋氏有上截無下截，所以空空耳。足下旣理會到此時，加提醒觸處逢源，豈虞扞格請以質之公望。

二十六日

述聞三則 解三秦字伯元漢陰人，少以學行冠諸生。後爲劍州司訓，多士化之上司，知其賢，委署刺史事。不數日而弊竇一清，姦吏懾服。後值變革，屢頻於難，爲賊所執，將殺之。神色不變，卒得全年。

十餘好學不倦口不談人過有善則樂道之家無
斗筭晏如也

漢中人癸酉鄉試第一癸

未賊兵入漢中置僞曹光棄家不顧浩然長往賊
義之亦不忍入其家鼎革後當事者重其節表其
門曰不二臣命兵守其門賊無敢有入者 李景
貞漢中城固人甲戌進士值逆 寢遯跡山
林不爲賊屈丙戌英王入長安 賊目自
晦竟不能屈云

寢迹山

林不爲賊屈內戍英王入長安

戲目目

晦竟不能屈云

十七日

高陽孫少師詩蹟後按少師年譜比詩辛未一片

石作戊寅殉節且十七年矣而此詩光氣如新者
臣心事一片石有靈猶能識之其言曰有天子無
有君無臣夫天之下皆人君之下皆臣安得謂無
人無臣也哉則其心亦苦矣雖然精忠亮節已揭
日月而行中天千載下其欽其仰將指而目之曰
少師之人也天之下一人也君之下一臣也又何
歎乎無人無臣也哉

二十八日

任希夷從晦菴學篤信力行晦菴稱其開濟後爲禮
部尙書以周元公程伯淳正叔張子厚南未贈諡

上言四人爲理學之倡乞定議賜諡朝廷從之趙方從南軒學時曰未死一日當立一日紀綱以身殉國實德難以殫述如二公者可爲師門生色偶宋史而識之

二十九日

謂于度望兒曰汝二人於北海亭從事伯順先生久今海內舊人有欲盡識北海亭奇節異能之士靜言思之北海亭日就黯黯亭中人日益零落誰可以答海內舊人之望者汝等宜奮起精神承接伯順之心拓伯順之事尙復俟之何人待之何

曰悠悠二字最是誤人歲月虛過終身所得不惟
無以對衆望甯不有愧於師恩耶當下提醒當下
開明試自勘驗

六月

初一日

人生在世逐日擾攘漫無自得尋其根源除怨天尤
人別無甚事孰知孔聖人一生卻只是不怨不尤
怨尤兩忘何等脫洒

初二日

學問之事與無身分之人言言之不受也與無機穎

之人言言之不悟也安得身分而有機類與之言
方不失人不失言

初三日

于度抄文清讀書錄謂之曰當釋其旨要所在千言
萬語天命之性是也其體用在日用常行其著落
在綱常倫紀深造自得左右逢源文清可謂好學
也已

閱前後語錄文清之學深得濂溪圖說而窮理盡
性點點滴滴直接紫陽故錄中極推有宋諸儒表
章之功在天下萬世真實用力老而彌篤不人權

術不傍二氏明儒醇正自當推先生第一

文清之學大約似晦翁初年故於象山之學毫不肯

假借

初四日

儒者一人之見安能盡聖人之大聖人如天地四時

儒者各分春夏秋冬之一令清任和皆聖清任和

皆偏然偏至之品各成足色故曰行造其極之謂

聖

初六日

舊錄濂溪通書因意有重複字有差訛者遂任意去

取於先生之全體大用未免割裂今再讀太極通
書當與經書並列天壤上接孔孟下開諸儒孟子
自發見知予謂濂溪其聞知者與

初八日

是日爲先嚴忌辰奠於其位愴然有懷橫渠張子云
古人於忌辰不爲奠薦之禮特致哀示變而已或
者三年之中服制未終不徹几筵有日祭之禮故
不另爲奠薦特致其哀焉耳不然一蔬一茶
一飯何不可致其哀慕之情禮亦緣乎心之所不
容已者而已張子秉禮教者也其說豈無所據

初一日

讀朱陳往答書

陳同甫與朱元晦往來辨論諸書

各伸其是人謂元晦意有不與而不能奪也愚謂
天地大矣道德功名文章節義正好並存天地間
固不能多生幾箇謂元晦亦甯有幾箇陳同甫同
甫嘗自負爲人中之龍文中之虎晦翁亦具降龍
伏虎之氣其論議可否疑似之辨千載下自有定
評也

十二日

有人讀程朱書而厭其腐者余曰一番拈動一番新

方是會讀書因憶少年習八股業友人教之化腐
余請問友人云致知力行兩股此老頭巾也萬不
可用迄有志問學友人云學遵程朱然不可蹈其
腐余請問友人云亦猶之乎致知力行保守老頭
巾也乃今思之腐莫腐於致知力行新莫新於致
知力行千萬世有離此而別有道理別有學問者
乎千聖萬賢總做此一箇題目只是做不盡靈機
妙緒俱在眼前難摸搨柄稍有厭心非雜則偽吾
幸知之矣

十三日

復徐章芸 流寓蘇門六年矣別無快意樂多賢友
庶幾近焉靜言思之賢孰與徐孺子樂莫過於得
徐孺子此吾兩人所共炤者也前自鄱門來者語
近毀邇自上黨來者語多贊弟之所自信於知己
者固別有在也

十四日

讀晦庵文抄 諸大儒惟晦翁集甚繁舊選宗傳止
取晚年定論友人云若只存此則朱陸當欣然相
得安得許多同異道問學與尊德性原是一樁事
正不妨並存見聖道之大各人入門不同又如格

物與陽明王子不同俱當互見以示天下後世因
簡從前朱與陸始焉不合之語并其繼焉漸合之
語終焉相合之語並列於冊見以明之益相得之
難如此後之學者不知陸並不知朱必以爲到底
不相知至舉其晚年定論之語亦不之信見有人
尊信陸子者則極力擯斥之見有人指摘陸子者
則極力推獎之此與朱陸何涉適足明已之拘而
不大千古學術豈一已之意見遂爲定評哉王子
格物之說冒險犯難歷盡諸攻始得休息然亦與
朱王何涉究竟建安亦無朱元晦青田亦無陸子

靜婉江亦無王伯安

十五日

于度抄晦庵集於凡斥責蘇子處皆不錄謂蘇子之
文久矣膾炙人口況其言有臣雖不才不敢以他
途進風節可想朱子痛絕之謂且不得與安石並
得無太過乎余曰蘇子之文與風節自是抹殺他
不得然其言有不本於理道而不合乎聖賢者誰
能代他迴護太凡前人批駁處各抒已見後人看
前人文字正不必著一分成心耳

十六日

禱雨說 客問禱雨之說於理有諸曰有之曰極備

極無天行已定之數九年之水七年之旱堯湯不免何有於有司與士庶哉曰堯湯水旱堯湯未嘗一日忘儆戒修省堯曰洚水儆予湯以六事自責畢竟以人修天世際雍熙治成解網若怠荒不怕天變何所恃以感格天心曰肅時雨若曰狂恒雨若洪範豈漫無所據而言也客曰君爲天子之感格猶易乎卿大夫則疎矣士庶則又微矣格天之事夫豈易言曰卿士佐君以治民鬼神代天以效用俟陽五行總此極至之理鼓盪流轉於天地間

善感善應惡感惡應鄭俠繪圖以進曰請下臣言
十日不雨斬臣頭以正欺罔之罪王良往謁陽明
請於父不允其父令禱雨應而後允行二子禱雨
而雨應者誠故也今六十日不雨未盡禱土庶之
禱雨千人萬人各爲性命想無有不誠者矣邑侯
賢而憂民者也其告虔於山川鬼神者已非一日
四境合而應之合而感之顯微無間情理相通此
亦必得之數也

十八日

答李頤菴

并

是大德之敦化諸儒皆小德之

流流者流其所敦者也敦者敦其所流者也三
來只此一物亘古聖賢只此一事端緒稍異便
異端周子主靜主此也程子識仁談此也朱子
理窮此也陸子先立立此也王子致知致此也
謂各人走路疾徐遠近雖不同畢竟有到時
所以云殊途而同歸親翁於諸家從入之途
在曰其行此路也已如飢食渴飲自不肯頃刻停
歇耽延時日所諭濂溪明道爲一冊正叔晦菴文
清爲一冊子靜陽明爲一冊知言哉敦厚老朋
更覺快然

二十一日

人謂孔明善治國程伯淳稱其有儒者氣象又云孔明可與禮樂人止知伯淳爲醇儒愚謂伯淳有王佐才或曰何以觀之曰儒而不達於政由士也腐儒也有天德然後可興行王道如徒言之而躬之不副此處士蹈虛聲者耳何以爲儒明道儒而醇者必果達藝不足以擬之據其上神宗劄子論王霸之辨得君行道自有可觀然不用則抱道而處耳顏子祿爲邦之畧不遇故竟與尼山室老

二十三日

予從來喜讀儒書因家貧生長北方不能多購諸家
文集積二十餘年始成一選曰諸儒宗旨自董江
都至鹿江村計五十人繼而病其太繁於五十人
中自周濂溪至王陽明得十一人曰理學宗傳念
理學之宗非侈講說須重綱常劉念臺以方正學
爲明儒之首非所謂讀書種子乎正學與黃幼元
前志未有也合高景逸劉念臺鹿伯順爲一編名
曰五人傳宗錄暇又與二三同人商論諸儒各分
尼山一得如川流不息然亦各有氣類不待強合
故濂溪伯淳爲一冊正叔元晦文清爲一冊子靜

陽明爲一冊堯夫白沙爲一冊同聲相應同氣相求庶不至於牴牾耳豈不快哉七十二歲不學便衰而老炎蒸酷虐聊以銷暑因讀之俟後看如何

二十五日

草亭前新移竹數竿菊數本暨雜花數種時久不用時令小僕汲水澆溉僕無多力水不能得結余命僕先澆竹次及菊餘可省二三孺子不忍諸種之就稿也務均之余因思此未免是作好作惡之意愛在竹則以竹爲善愛在菊則以菊爲善愛在雜花則又以雜花爲善總是造化生機人心生意

何必紛紛作好惡於其間哉或曰陽明有云草有
妨礙理亦宜去雜花豈得與竹菊等余曰有妨則
可同在栽培之中何忍立視其稿也

二十七

事未來而將迎事既去而留滯擾擾此心遂不能行
所無事無人不犯此病竟無一人能治此病不獨
不能治此病更無人知病之所由來于度曰此病
坐在有所有者心不在焉故也博雅曰程子定
性書正爲此病而發患在自私而用智不能絕去
私者此心安得廓然順應哉曰二子知病所由來

定當思豫之術安在二子請問曰心不在者心不
得其正也自私而用智者意未得其誠是正心誠
意物來自能順應有何將迎有何留滯哉天下事
何思何慮只是無意必固我之私耳噫此聖人
正學者立必爲聖人之志切不可譁疾而已

日譜錄存卷之六終